

ORDENANZA FISCAL Nº 5

ORDENANZA REGULADORA DA TAXA POR SERVICIOS DE CEMITERIOS LOCAIS, CONDUCCIÓN DE CADÁVERES E OUTROS SERVICIOS FÚNEBRES DE CARÁCTER LOCAL

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da Taxa por servicios de cemiterios locais, conducción de cadáveres e outros servicios fúnebres de carácter local.

Artigo 2º. Feito imponible

Constitúen o feito imponible da Taxa a prestación dos servicios de cemiterios locais, tales como: asignación de espacios para enterramento; permisos de construción de panteóns ou sepulturas; ocupación dos mesmos, colocación de lápidas, enreixados e adornos; conservación dos espacios destinados ó descanso dos defuntos; conducción de cadáveres e calquera outros que, consonte co previsto no Regulamento de policía sanitaria mortuoria, sexan procedentes ou se autoricen a instancia de parte.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que soliciten ou resulten beneficiadas ou afectadas polos servicios ou actividades que se detallan no artigo segundo desta ordenanza e, no seu caso, os titulares da autorización concedida.

Artigo 4º. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
 - Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.



—

Artigo 5º. Cota tributaria

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais. Así mesmo, estarán exentos os servicios que se presten con ocasión de:

- Os enterramentos dos asilados procedentes da beneficencia, sempre que a condución se verifique por conta dos establecementos mencionados e sen ningunha pompa fúnebre que sexa custeada pola familia dos falecidos.

- Os enterramentos de cadáveres de pobres de solemnidade.

- As inhumacións que ordene a autoridade xudicial e que se efectúen na fosa común.

Artigo 7º. Percepción

A) Cando se trate de servicios non periódicos:

Percíbese a taxa e nace a obriga de contribuír cando se presente a solicitude de prestación do servicio ou actividade.

B) Cando se trate de servicios periódicos:

Percíbese a taxa e nace a obriga de contribuír o primeiro día de cada ano natural.

Artigo 8º. Liquidación

A) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servicio ou de realiza-la actividade.

- Cando se trate de servizos ou actividades cunha liquidación que non se poida cuantificar no momento de presentala solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade.
- Se se realiza a prestación do servizo ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

B) Cando se trate de servizos periódicos:

Practicarase a liquidación única anual ou coa periodicidade que se determine nas tarifas desta taxa.

Artigo 9º. Ingreso

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou realización da actividade na Tesourería municipal ou nas entidades financeiras que se sinalen na liquidación.
- Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.
- Cando se trate de liquidacións periódicas, nos prazos e nos lugares que se sinalen no edicto de exposición ó público.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.



ANEXO

Primeiro. Tarifa.

A tarifa que se aplicará para a exacción desta taxa será a seguinte:

A.- CONCESIÓNES:

A.1.-Por concesións de terreo:

1.1. A un máximo de 50 anos, renovables:

1.1.1- Por sepultura751,27 €.

A.2.-Por concesións de nichos construídos polo Concello:

2.1. A un máximo de 50 anos, renovables:

2.1.1. Por cada nicho601,01 €.

B.-TRASLADOS E DEPÓSITOS:

B.1.- Traslados dentro do cemiterio 25,84 €.

B.2.- Traslados dende o cemiterio a outras localidades..... 25,84 €.

B.3.- Depósito de cadáveres, cada día ou fracción..... 16,53 €.

B.4.- Por servicios da sala de autopsias..... 16,53 €.

C.- TRANSMISIONES DE CONCESIÓNES:

C.1.- Entre vivos:

Pagarán as mesmas cotas que as concesións a que se refire o apartado A) desta tarifa, excepto cando a transmisión sexa entre parentes ós que se refire o artigo seguinte, aplicándose neste caso os dereitos nel regulados.

En todo caso, requírese que a transmisión sexa autorizada pola Corporación e o cambio de titular rexistrado nos libros correspondentes.

C.2.- Por causa de morte:

Segundo as normas do Código Civil para os graos de parentesco por consanguinidade en liña recta e colateral, aboarán sobre a cota de concesións do apartado A) desta tarifa:

C.2.1.-Con parentesco de primeiro grao 10 %

C.2.2.-Con parentesco de segundo grao 30 %

C.2.3.-Con parentesco de terceiro grao..... 60 %

C.2.4.-Con parentesco de cuarto grao..... 90 %

As transmisións entre cónxuxes e fillos non percibirán dereito algún.

Segundo. Data de aprobación.

A presente ordenanza foi aprobada provisionalmente polo Pleno da Corporación en sesión extraordinaria celebrada o 14 de outubro de 1998, sen que contra este acordo se presentaran reclamacións. A súa entrada en vigor terá lugar o mesmo día da súa publicación no Boletín Oficial da Provincia, e será aplicable a partir do 1 de xaneiro de 1999, permanecendo en vigor ata a súa modificación ou derogación expresa.